



# Synfocity = 486

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

8<sup>th</sup> May, 2014

## ❑ PCI General Assembly Vawi 41-na a tiak ta

India rama Presbyterian Kohhrante inzawmkhawmna Presbyterian Church of India (PCI) Inkhawmpui kum khat dana neih thin, Biennial General Assembly vawi 41-na chu April 30 - May 4, 2014 chung khan KJP Synod Mihngi-in Laitumkhras Presbyterian Kohhran Biak In, Shillong-ah an thleng a, thupuih 'Prophetic Role of the Church Today' tih an hmang.

Inkhawmpui rorelnaah palai 1,160 vel an kal a, chung zinga 380 vel chu Mizoram Synod palaite an ni. Tun tumah hian General Assembly Puipa tur hetiang hian ruat thar an ni :

**Moderator** : Rev. D.C. Haia Darnai, Biateram Synod  
**Secretary Sr.** : Rev. Awnkhankhup, Zou Synod  
**Secretary Jr.** : Rev. B.B. Lamin, KJP Synod Mihngi  
**Treasurer** : Rev. W.C. Khongwir, KJP Synod Sepngi  
**Statistician** : Rev. B. Sangthanga, Mizoram Synod

### Administrative Secretary-te :

Rev. David T. Lhouvum, CHT Synod (Sr. A/S)

Rev. V.L. Luaia Hranleh, Mizoram Synod

Rev. G.S. Lyttan, KJP Synod Mihngi

Kum 2016 Biennial General Assembly chu KJP Synod Sepngi-in an thleng ang a, thupuih 'The Gospel - Transforming Power' tih thlan a ni a, thupui sawi turin Rev. Dr. Vanlalchuanawma, Principal, Aizawl Theological College ruat a ni. PCI rawngbawina hrang hranga sum hman tur (Budget) Rs. 86,35,000/- pawm a ni a, Mizoram Synod thawh tura ruahman chu Rs. 17,72,597/- a ni.

Inkhawmpui chungin zan lamah Biak Inah Pathian biak inkhawm a awm ziah a, zirtawpni zing leh inrinni zing karah Bible thu zirzauna (Bible Study) neih a ni bawk. Inkhawmpui hi Rev. Dr. Jerry Pillay, President, World Communion of Reformed Churches leh Rev. Dr. Collin Cowan, General Secretary, Council for World Mission ten an hmanpui a, May 4 (Pathianni) chawhma leh chawhnuah Pathian thuchah an sawi a ni. Inkhawmpuih hian Mizoram Synod Choir-te tum li lai an zai bawk.

## ❑ Synod Pastoral Committee a thu

May 6 (Thawhlehi) chawhma dar 10:00 khan Synod Pastoral Committee vawi 4-na chu Synod Office-a J.M. Lloyd Hall-ah a thu a. Committee hi Rev. K. Lalhmuchhuaka, Synod Moderator-in a kaihrui a, reports ngaihthlak a nih hnuah thurel chhunzawm a ni.

Committee hian Pastor thawk lai zirna sang zawk zir chhunzawm dilte dilna a ngaihtuah a, Hospital Chaplain-te dinhmun tihchian thu leh thil pawimawh dangte a ngaihtuah a ni.

Kum 2013 Synod-in Bial thar hawn tura a ruahman- Mizoram chhunga Chanmari West Bial leh Kawnpui Chhim Veng Bial te, Mizoram pawnah Itanagar, Silchar leh Dumlian Bialte chu a hun ruatah tluang taka hawn fel an ni a. Bial vawngtu tur Pastor leh Pro Pastor-te pawh dah ngheh an ni tawh a, April 2014-a zir zo tur mi palite erawh chu May 11, 2014-ah dah ngheh an ni ang.

SEC 250:4-in a rel angin Zemabawka Cancer Hospital Chaplain hna thawk turin Rev. Zawluhama, Bawngkawn chu ruat a ni a, April, 2014 khan a hna hi a zawm. April 7-11, 2014 chhunga neih tura ruahman Pro. Pastor lak tharte Orientation programme chu NGO Coordination Committee huaihawt Bandh avanga thulh a ni a, June 9-13, 2014-a neih turin sawn a ni. Synod hian Bial thar pakhat leh Bial awmsa 10 atan Pastor Quarters sak phalna a pe bawk.

## ❑ Book Fair-cum-Exhibition

May 5, 2014 khan Synod Bookroom leh Holy Mission School, Bungkawn te tangkawpin Holy Mission School building-ah Book Fair-cum-Exhibition an buatsaih.

Chawhma dar 10:00-ah a hawna inkhawm neih a ni a, Lalthanchhunga, Principal, Holy Mission School-in a kaihrui a, Lalzarmawia, Synod Bookroom Sales Promoter-in tanna hun hmangin Lalniliana, Manager, Synod Bookroom-in thuchah a sawi a, a duh apiang thusawi hun hman zui a ni.

He Book Fair-cum-Exhibition hian tun thla ni 10 thleng a awn ang. Book Fair lamah hian Synod Bookroom lamin bul an tum a, Exhibition lamah hian Holy Mission School lamin bul an tum thung a ni. Exhibition-a item pho chhuah turte hi Holy Mission School kutchhuak- Lemziak chi hrang hrang leh Science lam thilte an ni. Exhibition-ah hian pindan pathum- Zo Run, Science Gallery leh Art Gallery te siam a ni.

## ❑ Pastor Induction

May 11, 2014 (Pathianni) hian Pastor Induction hetiang hian neih a ni ang :

Bial	Induct tur	Induct-tu tur
Sangau	Rev. Lalfakawma Ralte	Rev. K. Lalhmuchhuaka, Synod Moderator
Rawpuichhip	Rev. Vanlalawmpuia	Rev. Lalzuihanga, Senior Executive Secretary

## ❑ PES HSLC 2014 Result tha lawm

Vawin (May 8, 2014) hian Khawzawl Presbyterian English School-in HSLC 2014 result tha an lawm dawn a, Upa D.P. Biakkhuma, Supervisor of Schools chu Khuallian a ni ang. Upa D.P. Biakkhuma hian Khawzawl Vengthar Presbyterian English School a tlawh nghal ang. Naktuk (May 9, 2014) chawhma hian Keifang Presbyterian English School-in HSLC 2014 result tha an lawmna turah Khuallian a ni leh ang a, chawhnu lamah Saitual Presbyterian English School-in HSLC 2014 result tha an lawmna turah Khuallian a ni leh ang.

Kumin (2014) HSLC Result chhuakah khan Presbyterian English School-te an titha tlang hle a, result tlangpui hetiang a ni :

No. of Schools appeared HSLC	- 11	No. of Schools 70% above passed	- 1
No. of Schools 100% passed	- 6	Letter hmu zawng zawng	- 41
No. of Schools 90% above passed	- 4		

## ❑ SPLA Annual General Meeting

May 9, 2014 (Zirtawpni) chawhnu dar 1:00 hian Synod Lay Pensioners' Association (SPLA) ten Annual General Meeting, Zosaphluia Building, Mission Vengah an nei ang.

Contd..

- ☐ **Synod Mission Board**

  - ◆ **Zin**  
May 8 - 12, 2014 hian Ramthar Enthatu Commission member-ten Arunachal West Mission Field an tlawh dawn a, Rev. P.C. Pachhunga, Executive Secretary leh Rev. K. Lalhangmawia, Commission Member-te an kal.
  - ◆ **Missionary Retreat for Central Region**  
May 15 - 18, 2014 hian Missionary Retreat for Central Region, ITI Vengchhak Kohhran Biak Inah neih a ni dawn a, thupuih 'Krista Thuhretu' (Tirh. 2:32) tih an hmang ang. Retreat-ah hian Speaker atan Rev. Vanlabela, BEC member; Rev. C. Lalsangliana, BEC member; Upa Dengthmingthanga, BEC member; Rev. P.C. Pachhunga, E/S i/c Mission & Rev. C. Chawngliana, BEC Member an hmang ang.
- ☐ **Lay Leaders' Training Vawi 181-na**  
May 9, 2014 (Zirtawpni) dar 6:30 p.m. hian Synod Multipurpose Training Centre (SMTC) buatsaih Kohhran Upate puala Lay Leaders' Training vawi 181-na kharna inkhawm neih a ni ang. Inkhawm hi Rev. Zosangliana Colney, SMTC Programme Director-in a kaihruai ang a, Rev. Lalzuithanga, Senior Executive Secretary-in Certificate hlanin thuchah a sawi ang. Tun tum training vawi 181-ah hian Presbytery hrang hrang, Aizawl Bethel, Aizawl Chhimthlang, Chhimpei, Chhimthlang, Ramlai, Tuivawl leh Myanmar Phai Synod atangin Kohhran Upa 42 an tel thei a ni.
- ☐ **MSSU**

  - ◆ May 10, 2014 (Inrinni) hian Tlangnuam 'S' Kohhranah Sunday School Zirtirtu Training neih a ni dawn a, training neihpui tur hian T.Upa Lalthahluna Ralte, MSSU Asst. Coordinator leh Upa K. Zoremsanga, Kulikawn (MSSU Trainer) te an kal ang. Zan Pathian biak inkhawmah T.Upa Lalthahluna Ralte in fanau enkawl chungchang thuchah a sawi ang.
  - ◆ May 10, 2014 (Inrinni) hian Muanna Veng Kohhranah Sunday School Zirtirtu Training neih a ni dawn a, training neihpui tur hian Pu John Lalhruiailuanga, MSSU Asst. Coordinator; Upa B. Lalhmunliana, Bethlehem Venglai leh Upa K. Vanlalngbaka, Ramhlun North (MSSU Trainers) te an kal ang. Zan Pathian biak inkhawmah Upa K. Vanlalngbaka fanau enkawl chungchang thuchah a sawi ang.
- ☐ **Kristian Thalai Pawl**

  - ◆ May 11, 2014 (Pathianni) zan hian CKTP Leader Rev. J. Lalremsiaman KTP, Venghlui Branch Diamond Jubilee hmanpuiin thuchah a sawi ang a, Synod Choir an zai bawk ang.
  - ◆ North East India Christian Council (NEICC) Annual Meeting, May 14 -18, 2014 chhunga Sielmat (Manipur)-a neih turah CKTP aiawha palai turin Pu Lalhangvunga Sailo (com. member) ruat a ni.
  - ◆ Vawiiin (May 8, 2014) chawhnu dar 2:00 hian Synod Moderator Rev. K. Lalhmuchhuakan KTP Diamond Jubilee Documentary film leh Diamond Jubilee Gospel Concert DVD chu Lloyd Hall, Synod Office-ah Pathian hnena hlanin a tlangzarh ang. DVD 2 inkawp hi Rs. 150/-a hralh chhuah nghal a ni ang a, Central KTP Office leh Synod Bookroom Branch hrang hrang atangin a ngaihven theih ang. Branch inhlawhna atana zuar chhawng duh tan Diginet (2364136/9862957574)-ah zawh chian theih a ni bawk.
- ☐ **Social Front**  
May 10 & 12, 2014 hian New Chalrang Kohhranah Intodelh Seminar neih a ni dawn a, hemi neihpui tur hian Dr. Saithantluanga, Campaigner leh T.Upa Lalrosanga Colney, Synod Office te an kal ang.
- ☐ **Music**  
May 7 - 10, 2014 chhung hian Khawzawl Vengthar Bial huapin Khawzawl Vengthar Kohhranah Conductor-te pualin training buatsaih a ni a, training hmanpui tur hian Pu Lalromawia, Music Instructor; Upa Hmingthansanga Pachuau, Committee Member leh Tv. Lalchhuanawma, Durtlang te an kal.
- ☐ **Campus Ministry**  
May 8 - 11, 2014 chhung hian Bungtlang Presbyterian English School-ah Zirna leh a kaihnawih chungchang campaign neih a ni dawn a, hemi neihpui tur hian Tv. C. Lalremruata, Outreach Worker; Upa Lalnundanga, Chaltlang South leh Upa Lalthlengliana, Electriv Veng (Campaigners) te an kal ang a, Kohhran hrang hrangah hun an hmang nghal ang.
- ☐ **Hruaina Eng FM Radio & TV Programme**

  - ◆ **MAY 9 (FM Zoawi Aizawl @ 7:30 p.m.) :**  
**Solo :** Gracy V.L.Pachuau - Min Kalsan Suh; **Choir :** Ramhlun Pastor Bial Zaipawl - I Ta Ka Ni; **Thuchah :** Upa Lalrammawia Ngente - Tunlai khawvel leh kristian nun 1; **Solo :** Joy Zairemmawia - Takna I Dah Thin A; **Choir :** TBZ Choir - Ka Rawn Inhlan E
  - ◆ **MAY 9 (FM Lunglei @ 7:30 p.m.) :**  
**Solo :** Gracy V.L.Pachuau - Min Kalsan Suh; Synod News; **Choir :** Ramhlun Pastor Bial Zaipawl - I Ta Ka Ni; **Thuchah :** Upa Lalrammawia Ngente - Tunlai khawvel leh kristian nun 1; **Solo :** Joy Zairemmawia - Takna I Dah Thin A; **Choir :** TBZ Choir - Ka Rawn Inhlan E
  - ◆ **MAY 11 (TV Programme @ 3:00 p.m.) :**  
**Group :** One in Christ - Ka zinna ram, **Interview :** Missionary Doctor leh Nurse-te, **Hla Kutpui :** Bawngkawn Kohhran
- ☐ **Susamachar Prasaran Programme**  
**MAY 11 (Pathianni) 5:00 pm. Hindi Gospel Programme (Susamachar Prasaran) :**  
**Group/Choir/Solo :** The Leprosy Mission Choir - Ham Soup Te He, **Group/Choir/Solo :** Bungkawn Vengthar Masihi Sangati - Siyon Desh, **Sermon :** Rev. Vanlabela - Pasmeshwar Kaun Hai?, **Group/Choir/Solo :** ITI Kohhran Masihi Sangati, **Group/Choir/Solo :** Kawngkharmawii - Krus tere nishan
- ☐ **Synod Moderator Programme**  
Synod Moderator Rev. K. Lalhmuchhuaka chuan tun kar tawpah hetiang hian hun a hmang ang :  
May 9 & 10, 2014 : Saiha Kohhran tlawh  
May 11, 2014 (Pathianni) : Pastor Induction, Sangau

